

Schriften / auch gemeinen gehaltenen Colloquiis von der Augspurgischen Confession Verwandten / sind abgesondert / aufgeschloffen / vnd mit ihrer Lehre verdammet vnd verworffen worden.

Diese Ein vnd zwankig unbewegliche Gründe vnd Zeugnißen / solten ja so starck vnd wichtig sein / das billich ein auffrichtiges redliches Herz bedencen tragen solte / denselben zu wider aus lauterm bösen Fürsatz / ein anders vnd widriges zu erdencen / vnd in offenen Truck auszusprenge: Aber der Calvinische Geist / hat ein solche unverschempete Hurenstirn / das er sich weder für Gott noch für der Welt / schewet oder schemet / sondern den öffentlichen / getruckten / vidimirten vnd beglaubten abscheiden: Decretis vnd Recelsibus zuwider / thumtünlich leugnen darff / was war ist / vnd hergegen er richten vnd fürgeben / dessen sie in ihrem selbst eigenen Gewissen vberzeugt sein / das es falsch vnd nichtig seye. Inmassen denn neben vnd vnter andern vor dieser zeit sich dessen vnterstanden haben / der verkapte Brost Wolff / ein Nürnbergischer Zungendrescher / vnd Johannes